

*Төлеби ауданының білім бөлімінің
«Алина» бөбекжай-бақшасы»
мемлекеттік коммуналдық қазыналық кәсіпорны*

***Педагогикалық
кеңестің
хаттамалары***

2023-2024 оқу жылы

Ленгiр қаласы

Педагогикалық кеңестің хаттамалары (ПК)

№1 хаттама

Өткізілген орны: "Алина" бөбекжайы

Өткізілген күні: 31.08. 2023 жыл.

Педкеңес мүшелерінің барлығы: 11 адам

Қатысқаны: 11адам

Қатыспағандар саны: жоқ

Күн тәртібінде қаралатын мәселелер:

1. Жаз мезгіліндегі жұмыстардың қорытындысы.
2. Қазақстан Республикасы Оқу- ағарту министрінің 2022 жылғы 3 тамыздағы № 348 бұйрығымен бекітілген «Мектепке дейінгі тәрбие мен оқытудың мемлекеттік жалпыға міндетті стандартымен және 2023– 2024 оқу жылына арналған әдістемелік нұсқау хатпен және 2012 жылғы 20 желтоқсандағы №557 бұйрығымен «Мектепке дейінгі тәрбиелеу мен оқытудың үлгілік оқу жоспарымен» таныстыру
3. 2023 -2024 жаңа оқу жылының жұмыс жоспарын бекіту.
4. Бөбекжайдағы топтардың жасына қарай музыка, дене шынықтыру іс-әрекетінің қызметінің кестесін, перспективалық жоспарды,күн тәртібін және үлгілік оқу жоспарын бекіту.
5. Жаңа оқу жылына топтардың жұмысын ұйымдастыруға дайындық» атты тақырыптық тексеру қорытындысы.
6. Мемлекеттік ЖМБС стандарты бойынша барлық топта дамытушы ортаны құру сапасын талдау.

Баяндама 15 минут. Қаулылармен таныстыру 15 минут. Жарыссөзге шығу 15 минут. Анықтама беру 15 минут.

Жалпы уақыт: 1 сағат 30 минутта кеңес отырысын аяқтау.

Сөйледі:Педагогикалық кеңесті бөбекжай меңгерушісі Тургунбекова Ақмарал Есиркепқызы ашып беріп,педагогикалық қызметкерлерді жаңа оқу жылының басталуымен құттықтады. Күн тәртібінде қаралатын мәселелермен таныстырды.

Тыңдалды: Күн тәртібіндегі қаралатын бірінші мәселе бойынша шаруа меңгерушісі Сауле Шегебаева бөбекжайда жаз мезгілінде жасалған жұмыстардың қорытындысы туралы айтты.Бөбекжайдың ауласын , топтарды,асхананы,дәліздерді әктеу,сырлау жұмыстарының жүргізілгенін айтты.

Жарыссөзге шыққандар: бөбекжайдың әдіскері Куралбаева Дильбара Усеровна сөйлеп, жаз мезгілінде күн тәртібі,жоспарға сай ойын-сауық іс-шаралар жоспарлары бекітіліп, жүргізілді.Қауіпсіздік ережелерін сақтап ойын-сауықтар өтті.

Жетістіктер,кемшіліктер сол уақытысында айтылып,талданып отырды.

Тыңдалды: Күн тәртібіндегі қаралатын екінші мәселе бойынша бөбекжай әдіскері Куралбаева Дильбара сөйлеп, Қазақстан Республикасы Оқу- ағарту министрінің 2022 жылғы 3 тамыздағы № 348 бұйрығымен бекітілген «Мектепке дейінгі тәрбие мен оқытудың мемлекеттік жалпыға міндетті стандартымен және 2022 – 2023 оқу жылына арналған әдістемелік нұсқау хатпен және және 2012 жылғы 20 желтоқсандағы №557 бұйрығымен «Мектепке дейінгі тәрбиелеу мен оқытудың үлгілік оқу жоспарымен» таныстыру. Жаңа стандартта оқу қызметтерін өткізуде көп өзгерістер енгізілгенін түсіндіріп, ұйымдастырылған іс – әрекеттің қалай жүргізілетіні туралы айтты. Апталық жүктемелер болмайтынын, балалармен ойын түріндегі іс – әрекеттер өткізу жайлы түсіндірді. Мектепке дейінгі тәрбиелеу мен оқытуды дамыту моделінде де не туралы айтылғаны, қандай бағыттар берілгені жайлы айтып, түсіндіру жұмысын жүргізді. Биылғы оқу жылына арналған әдістемелік нұсқау хатта жаңа стандарт пен модель бойынша жұмыс жүргізуіміз керектігі айтылғанын, ұйымдастырылған іс – әрекеттерді ойын түрінде, сонымен қатар жаңа технологиялар қолдану арқылы өткізуге тапсырма берді.

Жарыссөзге шыққандар: тәрбиеші Нуржанова Зилола биылғы 2023-2024 оқу жылында тәрбиешілердің жүргізетін құжаттарында өзгерістер барма деп сұрақ қойды.

Тәрбиеші: Дехканова Нилуфар ұйымдастырылған іс - әрекетті ойын түрінде өтудің жолдары туралы сұрақ қойды.

Сөйледі: әдіскер Куралбаева Дильбара Усерқызы сөйлеп, стандарт бойынша тәрбиеші 3 құжат жүргізуі қажет, яғни перспективалық жоспар, циклограмма, балалардың жеке даму картасы деп атап өтті. Және ойын түріндегі ұйымдастырылған іс – әрекет туралы сұраққа жауап берді. Үлгілік оқу бағдарламасындағы міндеттер бойынша перспективалық жоспар құрылатынын, міндеттерді орындау үшін балаларды ойната отырып, балаларды дамытып, күнделікті іс –әрекеттерді кіріктіріп өту керектігін айтты. Ұйымдастырылған іс – әрекетке өтпелі тақырыптар, жүктеме, сабақ кестесі болмайтынын айтып өтті.

Тыңдалды: Күн тәртібінде қаралатын үшінші мәселе бойынша бөбекжайдың меңгерушісі Тургунбекова Ақмарал Есиркепқызы сөйлеп, бөбекжайдың 2023-2024 оқу жылына арналған жұмыс жоспарымен таныстырды. Жылдық жоспардың мақсат, міндеттерімен және атқарылатын оқу тәрбие жұмыстарының мазмұнымен, ертеңгіліктердің, педагогикалық кеңесте оқылатын кеңестердің тақырыптарымен таныстырып, айтып өтті. Жаңа оқу жылында ұйымдастырылған іс-әрекеттер өткізуге жас мамндарға тәлімгер тағайындалып, әдістемелік көмек көрсетілетінін айтты. Педагогтар танысып болған соң, бірауыздан келісетіндерін білдірді.

Тыңдалды: Күн тәртібіндегі төртінші мәселе бойынша әдіскер Куралбаева Дильбара Усерқызы сөйлеп, балабақшадағы топтардың жасына қарай және мектепалды даярлық тобының іс – әрекет кестесімен, перспективалық жоспармен, күн тәртібімен таныстырып бекітуге ұсыныс

айтты. Сонымен қатар апталық циклограмма жазу үлгісіне тоқталып, айтып өтті.

Жарыссөзге шыққандар: тәрбиеші Омарова Эльмира сөйлеп, ұйымдастырылған іс – әрекет кестесі болмаса, онда күнделікті ұйымдастырылған іс – әрекетті қалай үлгеруге болады деген сұрақ қойды.

Сұраққа бөбекжай әдіскері жауап беріп, ойын аймақтарын жасап, кітап бұрышын, ұлттық бұрыш, дамытушы ортаға ойындарға арналған материалдар жасайық деген ұсыныс айтты.

Ұсыныстарды педагогтар қолдап, бекітілсін деген пікір білдірді.

Тыңдалды: Күн тәртібіндегі бесінші мәселе бойынша медбике Абилдаева Қымбат сөйлеп, жаңа оқу жылында топтардың жұмысын ұйымдастыруға дайындық» атты тақырыптық тексеру қорытындысын айтты. Топтардың жұмысында санитарлық талаптар сақталу үшін әр топта жүргізілген дайындық жұмыстарының қандай дәрежеде орындалып тұрғаны туралы анықтама берді. Мектепке дейінгі білім беру ұйымдарына қойылатын санитарлық ережелермен қызметкерлер түгел таныстырылып, сол талап бойынша дезинфекциялау қолдану құралдарының толық болуы қамтамасыз етілді. Топтардың, асхананың, бөбекжай ғимаратының басқа жұмыс бөлмелерінде дайындық жұмыстары жақсы деңгейде екенін айтты.

Жарыссөзге шыққандар: шаруа меңгерушісі Шегебаева Сауле сөйлеп, балабақшадағы, топтардағы тазалық талаптары туралы айтты.

Тыңдалды: Күн тәртібінде қаралатын алтыншы мәселе бойынша әдіскер Куралбаева Дильбара Усерқызы сөйлеп, Мемлекеттік ЖМБС стандарты бойынша барлық топта дамытушы ортаның жинақталуы туралы сөйледі. Балалардың жан – жақты дамып, өсуіне дамытушы ортаның толық жабдықталуының маңызы зор екенін айта келе, ойын бұрыштарының, кітап бұрышы, ұлттық бұрышы, дамытушы ойыншықтар бұрыштарының толық емес екенін айтып, жаңалап толықтыруға ұсыныс айтты.

Педагогикалық кеңестің шешімі:

1. Жаз мезгіліндегі жұмыстардың қорытындысы «жақсы» деп бағалансын.
2. Қазақстан Республикасы Оқу- ағарту министрінің 2022 жылғы 3 тамыздағы № 348 бұйрығымен бекітілген «Мектепке дейінгі тәрбие мен оқытудың мемлекеттік жалпыға міндетті стандартымен және 2022 – 2023 оқу жылына арналған әдістемелік нұсқау хатпен және Мектепке дейінгі тәрбиелеу мен оқытуды дамыту моделі 2021 жылғы 15 наурыздағы № 137 қаулысындағы, бұйрықтарында, нұсқауларында көрсетілген талаптар орындалсын.
3. 2022 -2023 жаңа оқу жылының жұмыс жоспары бекітілсін.
4. Бөбекжайдағы топтардың жасына қарай ұйымдастырылған іс-әрекеттің кестесі, перспективалық жоспар, күн тәртібі бекітілсін.

5. Жаңа оқу жылына топтардың жұмысын ұйымдастыруға дайындық» атты тақырыптық тексеру қорытындысы жақсы деп бағаланып, санитарлық талаптарды сақтау бойынша жұмыстар жалғастырылсын.
6. Мемлекеттік ЖМБС стандарты бойынша барлық топта дамытушы ортаны құру дидактикалық материалдармен және ата-аналармен бірлесіп кітап бұрышы құрылысын.

Педагогикалық кеңес төрайымы

Хатшы

А.Е.Тургунбекова

Д.У.Куралбаева



Педагогикалық кеңестің хаттамалары (ПК)

№2 хаттама

Өткізілген орны: «Алина» бөбекжай-бақшасы»

Өткізілген күні: 27.11.2023 жыл.

Педкеңес мүшелерінің барлығы: 10 адам

Қатысқаны: 10адам

Қатыспағандар саны: жоқ

Күн тәртібінде қаралатын мәселелер:

- 1.Өткен педагогикалық кеңестің шешіміне есеп
- 2.«Денсаулық» бұрышының жабдықталуы және таңертеңгілік жаттығулар кешенінің, ұйқы ашар, сергіту жаттығулар жиынтығының жинақталуы.
Байқаудың қорытындысы
3. Баяндама: «Мектепке дейінгі жастағы балалардың шығармашылық қабілетін дамыту» тәрбиешілерге кеңес
- 4.«Дене шынықтыру»ұйымдастырылған іс-әрекетінің тақырыптық тексеру қорытындысы

Жалпы уақыт: 1 сағатта кеңес отырысын аяқтау

Сөйледі: Педагогикалық кеңесті бөбекжай меңгерушісі Тургунбекова Ақмарал Есиркепқызы ашып,күн тәртібіндегі қаралатын мәселермен таныстырды.

№1 педагоггикалық кеңес шешімінің орындалуы туралы сөйледі.2023-2024 оқу жылдарының жылдық жұмыс жоспары,топ бойынша жылдық жоспарлары,ұйымдастырылған іс-әрекет кестелері бекітіліп,жүргізіліп жатқанын айтты.

Сөйледі: күн тәртібіндегі екінші мәселе бойынша әдіскер Куралбаева Дильбара Усерқызы сөйлеп, «Денсаулық» бұрышының жабдықталуы тақырыбында бақылаудың нәтижесі туралы және таңертеңгілік жаттығулар кешенінің, сергіту жаттығулар,ұйқыашар, сергіту жаттығулар жиынтығының жинақталуы туралы сөйледі. Ортаңғы «Ботақан»,ортаңғы «Нұрмерей»,ересек «Ханшатыр»,мектепалды даярлық «Бәйтерек» топтарындағы денсаулық бұрышының жабдықталуы тексерілді.Барлық топта денсаулық бұрышы бар, обручтар, кеглилер, кедергілер,арқан,секіргіштер т.б. құралдар бар,дегенмен тағыда ай сайын өтіп жатқан спорттық ойын-сауықтарға қосымша спорттық құралдар қажет,әр топқа волейбол және футболға арналған доптар, секіргіштер,ойын туннел палаткалары қажет екенін айтты.Таңертеңгілік жаттығулар барлық топтарда кестедегі күн тәртібі бойынша жасалынып жатыр.

Тыңдалды: Күн тәртібіндегі қаралатын үшінші мәселе бойынша бөбекжай әдіскері Куралбаева Дильбара тәрбиешілерге «Мектепке дейінгі

жастағы балалардың шығармашылық қабілетін дамыту» тақырыбында баяндама оқыды.

Балалардың шығармашылық қиялы мен қабілетін дамыту, олардың практикалық дағдыларын иемденуі сәбилік кезеңнен басталады. Балалар тілді меңгере отырып, заттарды, олардың қасиеттері, белгілері туралы білімді игере бастайды. Мектепке дейінгі балаларға арналған көркем шығармалар баланы шынайы болмысты нақты әрекетімен таныстыра отырып, оны көркемдеп, баяндап, баланың сөздік қорын молайтып, тілін байытады, көркем өнерге қызығушылығын арттырып, шығармашылық қабілеттерінің ашылуына мүмкіндік береді. Мектеп жасына дейінгі балалар сурет өнерімен жалпы топтың ұйымдастырылған іс-әрекетінен тыста, ойынға бөлінген уақыт мезгілінде де шұғылдануға болады. Тәрбиеші бұл ынтаны алған сурет салу дағдыларын қолдануда баланың шығармашылығын қолдап отыруға мүмкіндік жасауы қажет. Жалпы келгенде, бейнелеу өнерін стандарт бойынша үш топқа бөлеміз.

Әдіс-тәсілдер.

Осы бойынша ұйымдастырылған оқу іс-әрекетінде тәрбиеленушілердің дарындылығын дамытуда әртүрлі әдіс-тәсілдерді пайдаланамыз.

Құммен сурет салу; Бір басылым; Бастырма; Нүктелі арқылы сурет салу;

Әртүрлі заттарды пайдалану арқылы далаппен сурет салу;

Сия тамшысымен саусақпен сурет салу. «Жіп» графикасы, тіс пастасы.

Бейнелеу әрекеті үрдісінде балалар бірқатар іскерліктер мен дағдыларды меңгеріп, заттар мен қоршаған әлем құбылысын талдауға үйренеді. Бейнелеу іс-әрекеті барысында тәрбиенің сенсорлық ақыл-ой, эстетикалық, адамгершілік алуан түрлі жақтары жүзеге асырылады. Бала ақыл-ой операцияларының негізінде өз жұмысының нәтижесін ойша елестетіп алып, содан кейін әрекет ете бастайды. Олар іс-әрекетке кірісер алдында өздерінің қалыптасқан түсініктерінің негізінде ақыл-ойдың алға қойған міндеттерін шешу үшін оны жүзеге асырудың әдістерін іздестіреді. Бала бойындағы шығармашылық қабілетті дамытуда оған педагогикалық басшылықты қажет етеді. Көзге көрсете отырып, оның қалай салатынын және оңайдан қиынға, қарапайым түрден күрделіге ауысу жолын қарастыру.

Сурет салу кезінде бала әртүрлі сезімде болады: қуанады, ойынан шықпай қалса ренжиді және т.б. кейбірі табысқа қол жеткізуге талпынады, кейбірінің қызығушылығы басым болады. Осы кезде тәрбиешінің сезімталдықпен қарап көмекке келуі қажет. Сурет салған кезде бала үйренеді, қоршаған орта туралы түсінігі тереңдеп нығая түседі. Баланың психикалық дамуында бұның маңызы зор. Яғни, бір затты бейнелей отырып бала оның сюжетін жасайды, ол туралы өз сезімін көрсетеді. Бұл жерде Аристотельдің мына сөзін есте ұстау қажет. «Сурет салу баланың жан-жақты дамуына жағдай жасайды».-деп баяндамасын аяқтады.

Сөйледі: күн тәртібіндегі төртінші мәселе бойынша әдіскер Дильбара Куралбаева сөйлеп, «Дене шынықтыру» іс-әрекетінің барысы туралы тақырыптық тексеру қорытындысы туралы сөйледі. «Дене шынықтыру» іс-әрекеті «Мектепке дейінгі тәрбие мен оқытудың үлгілік оқу бағдарламасына»

сәйкес ортаңғы (3-жастан), ересек (4-жастан), Мектепалды даярлық (5-жастан бастап) топтарында жас ерекшеліктеріне сай жоспарланып өтілуде. Күнделікті ұйымдастырылған әс-ірекеттің өтілу барысын бақылау кезінде кемшіліктері айтылып, кемшіліктер дер кезінде жойылып, талапқа сай өткізіліп жатыр.

Педагогикалық кеңестің шешімі:

1. Өткен педагогикалық кеңестің шешімі «жақсы» деп бағалансын.
2. «Денсаулық» бұрышының жабдыкталуы және таңертеңгілік жаттығулар кешенінің, ұйқышар, сергіту жаттығулар жиынтығының жинақталуы жалғастырылсын.
3. «Мектепке дейінгі жастағы балалардың шығармашылық қабілетін дамыту» атты баяндама айтылған мәселелер тәрбиелік шараларда қолданылсын.
4. Дене шынықтыру ұйымдастырылған іс-әрекетінің тақырыптық тексеру қорытындысы «жақсы» деп бағаланды.

Педагогикалық кеңес төрайымы



А.Е.Тургунбекова
Д.У.Куралбаева

Педагогикалық кеңестің хаттамалары(ПК)

№3 хаттама

Өткізілген орны: "Алина" бөбекжай-бақшасы»

Өткізілген күні: 31.01.2024 жыл.

Педкеңес мүшелерінің барлығы: 10 адам

Қатысқаны: 10 адам

Қатыспағандар саны: жоқ

Күн тәртібінде қаралатын мәселелер:

- 1.Өткен педагогикалық кеңестің шешіміне есеп
2. Баяндама «Ойын арқылы баланы дамыту және тәрбиелеу»
- 3.Балалардың шығармашылық құзіреттілігін дамыту мақсатында «Қыс кереметі» шебер қолдар көрмесінің қорытындысы
4. Балалардың - Физикалық қасиеттерді дамыту;
 - коммуникативтік дағдыларды дамыту;
 - танымдық және зияткерлік дағдыларды дамыту;
 - шығармашылық дағдыларын, зерттеу іс-әрекетін дамыту;
 - әлеуметтік-эмоционалды дағдыларды қалыптастыру бойынша балалардың – аралық мониторинг қорытындысы

Жалпы уақыт: 1 сағатта кеңес отырысын аяқтау

Сөйледі: Педагогикалық кеңесті бөбекжай-бақша меңгерушісі

Тургунбекова Ақмарал Есиркепқызы ашып,күн тәртібіндегі қаралатын мәселермен таныстырды.

№2 педагогикалық кеңес шешімінің орындалуы туралы сөйледі.Дене шынықтыру іс-әрекетіне қажетті құрал жабдықтардың (доп,секіртпе,обруч т.б) толықтырылып жатқанын айтты.

Тыңдалды : күн тәртібіндегі екінші мәселе бойынша әдіскер Дильбара Усерқызы «Ойын арқылы баланы дамыту және тәрбиелеу»тақырыбында баяндама оқыды.

Ойын – балалар үшін күрделі әрекет, ол білімді, ақылды ұйымдастыруды қажет етеді. Ал білімді бала қайдан алады? Оған бала ойын арқылы өзі үйренеді, үлкендер де үйретуге тиіс. Ойынның өз мақсаты, жоспары, арнайы заттары, т.б. көптеген ерекшеліктері болады.

Ойын – балалардың негізгі іс – әрекетінің бір түрі. Ойын арқылы бала өмірден көптеген мәліметтер алады, өзінің психологиялық ерекшеліктерін қалыптастырады, яғни ойын арқылы бала білім алады. Бала зейіні қажет ететін, әдейілеп ұйымдастырылған ойындар оның ақылын, дүниетанымын кеңейтеді, мінез – құлқын, ерік – жігерін қалыптастырады. Аса ірі психологтардың айтуы бойынша, бала ойын үстінде қандай болса, өскенде еңбекте де сондай болады. Ойын – адамның өмір танымының алғашқы қадамы. Жас сәбидің өмірі, қоршаған ортаны танып, еңбекке қатынасы, психологиялық ерекшеліктері ойын үстінде қалыптасады. Балалар ойын

Педагогикалық кеңестің хаттамалары(ПК)

№4 хаттама

Өткізілген орны: «Алина» бөбекжай-бақшасы»

Өткізілген күні: 29.03.2024 жыл.

Педкеңес мүшелерінің барлығы: 10 адам

Қатысқаны: 10 адам

Қатыспағандар саны: жоқ

Күн тәртібінде қаралатын мәселелер:

- 1.Өткен педагогикалық кеңестің шешіміне есеп
2. **Дөңгелек үстел.** "Мектепке дейінгі тәрбие мен оқытудың үлгілік оқу бағдарламасын оқып үйрену" 2022жылғы 14 қазан № 422 бұйрығы
- 3.**Баяндама:** «Баланың шығармашылық қабілетін дамыту жолдары»
- 4.Оқу - тәрбие жұмыстарының өткізілу барысы туралы
- 5.Дидактикалық ойындар картотекаларының көрмесі тақырыптық тексеру қорытындысы

Сөйледі: Педагогикалық кеңесті бөбекжай-бақша меңгерушісі Тургунбекова Ақмарал Есиркепқызы ашып,күн тәртібіндегі қаралатын мәселермен таныстырды.

Өткен №3 педагогикалық кеңес шешімінің орындалуы туралы айтып өтті.

Сөйледі : Күн тәртібіндегі екінші мәселе бойынша әдіскер Дильбара Куралбаева сөйлеп, 2022жылғы 14- қазандағы №422 бұйрықпен бекітілген «Үлгілік оқу бағдарламасын оқып үйрену» тақырыбында бір – бірімізбен пікір алмасып, дөңгелек үстел өткізілетінін айтты.

"Мектепке дейінгі тәрбие мен оқытудың үлгілік бағдарламасы" (Қазақстан Республикасы Оқу-ағарту министрінің 2022жылғы 14- қазандағы №422) негізінде ұйымдастырылған іс-әрекеттер кестесі,күн тәртібі бойынша жұмыс жүргізіліп жатқанын айтып,педагогтармен пікір алмасты.

Жарыссөзге шыққандар: ортаңғы «Ботақан» және «Нұрмерей» тобының тәрбиешілері Нуржанова Зилола,Мыраманова Сымбат,Омарова Эльмира, өздері тәрбиешілік қызмет атқаратын ортаңғы топ бүлдіршіндерінің жас ерекшеліктеріне сай үлгілік оқу бағдарламасы бойынша қандай білім - біліктілік дағдыларын меңгерулері қажет екенін және қандай күтілетін нәтижелерге жету керектігі жайлы ерекшеліктерін айтып берді.

Ересек «Ханшатыр»тобының тәрбиешілері Усипова Зауре, Мыңбай Мөлдір ересек тобы бүлдіршіндеріне үлгілік оқу бағдарламасы бойынша нені меңгерту керек екені жайлы айтты.

Мектепалды даярлық «Бәйтерек»тобының тәрбиешілер Дехканова Нилуфар мен Шекербекова Сауле мектепалды даярлық тобының үлгілік оқу бағдарламасының міндеттері жайлы сөйледі.

Дөңгелек үстелді қорытындылай келе жас ерекшеліктеріне сай үлгілік оқу бағдарламасы бойынша бүлдіршіндерге нені меңгерту керек екендіктері жайлы мәлімет алып, оқып үйренді.

Сөйледі : Күн тәртібіндегі үшінші мәселе бойынша тәрбиеші Шекербекова Сауле «Баланың шығармашылық қабілетін дамыту жолдары» тақырыбында баяндама оқыды.

Балаларға білім беруде ,адамгершіліктің ең құнды қасиеттерін бойына сіңіріп тәрбиелеуде,білім мекемелерінен,ұстаздардан, әрине ата-аналардан шығармашылық себептерді талап етеді.Тәрбиелеу, білім беру жұмысының мазмұны мен формалары балалардың мүмкіндігін ескеру арқылы нақтыланады. Мектепке дейінгі тәрбие бағдарламасы балалардың жан-жақты дамуын, олардың мектепке деген дайындығын қарастырады. Жас ұрпақты саналы, сергек етіп тәрбиелеу-отбасы мен балабақша қызметкерлерінің бірден-бір парызы. Қазіргі кезде өсіп келе жатқан ұрпақты тәрбиелеуде қойылған мақсаттардың бірі қоғамға пайдалы, үлкенге құрмет көрсетіп, кішіге қамқор бола білетін, жан-жақты дамыған жеке тұлғаны қалыптастыруда халық педагогикасының маңызы зор. Еліміздің ертеңі-бүгінгі бүлдіршінді тәрбиелеу-ең негізгі мәселелердің бірі. Оны шешудің басты бір тармағы-эстетикалық тәрбиенің дұрыс қолға алынуы .

Эстетикалық тәрбиеде ерекше роль бейнелеу өнерінің еншісіне тиеді. Бейнелеу өнері тәрбие құралы ретінде баланың жеке басының жан-жақты қалыптасуына тікелей әсерін тигізеді. Бейнелеу іс-әрекеті кезінде баланың ақыл ойы жетіледі, адамгершілік қасиеттері, жағымды мінез-құлқы ерекшеліктері қалыптасады , көтеріңкі көңіл-күй пайда болады. Олар болмысқа эстетикалық көзқарастарды қалыптастыратын сезімдерге біртіндеп ауысып, күнделікті өмірден, әсемдік пен сұлулықты қабылдау арқылы көркем өнердің алғашқы дағдыларына жаттықтырады.

Балалардың саусақпен, губкамен сурет салып, жұмыс істеуі саусақ моторикасының дамуы және тілінің дұрыс қызмет атқаруына әсер етеді. Баланың жан-дүниесі рухани жағынан нәр алып, оның айналадағы ортаны тану мүмкіндігі арта түседі. Алғашында бейнелеу өнерінің түрлері туралы түсініктер беріледі. Сурет салуға бейімдеу арқылы мүсіндеу, жапсыру арқылы сәндік қолданбалы өнерге, құрастыру сабағы арқылы сәулет өнерінің қыр-сыры жайында алғашқы түсінік беріледі дей келе өз баяндамасын аяқтады.

Сөйледі: Күн тәртібіндегі төртінші мәселе оқу - тәрбие жұмыстарының өткізілу барысы туралы бөбекжайдың әдіскері Куралбаева Дильбара Усеровна сөйледі. Ұйымдастырылған іс-әрекеттермен мен тәрбиелік іс-шаралардың барысын бақылау туралы айтты. Бақылау педагогикалық қателіктердің алдын алу және кемшіліктерді жою үшін жүргізілетінін айта келе ,күнделікті ұйымдастырылған іс-әрекеттерінің өткізілуін бақылап жүргенін айтты. ұйымдастырылған іс-әрекеттер барлық топта өткізілуде. Егерде тәрбиешілердің ұйымдастырылған іс-әрекеттеріне дайындығы төмен,көрнекіліктері дайын болмай қалған жағдайлар кездессе,

тәрбиешілерге сол уақытта ұсыныс, ескерту айтылады деп, күнделікті ұйымдастырылған іс-әрекеттерінің өткізілу барысы туралы айтты.

Сөйледі: Күн тәртібіндегі бесінші мәселе бойынша меңгеруші Тургунбекова Ақмарал Есиркепқызы сөйлеп, дидактикалық ойындар картотекаларының көрмесі тақырыптық тексеру қорытындысы туралы айтты. Дидактикалық ойындар жиынтығының картотекасын әр топ тәрбиешілері жас ерекшеліктеріне сай дайындағанын және қолданылатын құрал – жабдықтары папкаларға салынып ұқыптылықпен дайындалғанын айтты. Мектепке дейінгі ұйымдардағы жүргілетін оқу- тәрбие жұмыстарында ойын әдісінің маңыздылығын айта келе, картотекаларға жақсы баға берді. Кейбір ойын құралдарының толық еместігіне толықтыруға ұсыныс айтты.

Жарыссөзге шыққандар: әдіскер Куралбаева Дильбара сөйлеп, көрмеге қойылған дидактикалық ойындарға жақсы деген баға беріп, әлі де толықтыруды және жаңаша ойындар қосу керек екенін айтты.

Педагогикалық кеңестің шешімі:

1. №3 педагогикалық кеңестің шешімінің орындалуы «жақсы» деп бағалансын.
2. 2022 жылғы 14- қазандағы № 422 бұйрықпен бекітілген «Үлгілік оқу бағдарламасын» оқып үйрену жалғастырылсын.
3. «Баланың шығармашылық қабілетін дамыту жолдары» атты баяндамада айтылған кеңестер ұйымдастырылған іс-әрекетте қолданылсын.
4. Оқу - тәрбие жұмыстарының өткізілу барысы «жақсы» деп бағалансын.
5. Дидактикалық ойындар картотекаларының көрмесі тақырыптық тексеру қорытындысы «жақсы» деп бағалансын.

Педагогикалық кеңес төрайымы:

Хатшы:



А.Е.Тургунбекова
Д.У.Куралбаева

Педагогикалық кеңестің хаттамалары (ПК)

№5 хаттама

Өткізілген орны: «Алина» бөбекжай-бақшасы»

Өткізілген күні: 29.05.2024 жыл.

Педкеңес мүшелерінің барлығы: 10 адам

Қатысқаны: 10 адам

Қатыспағандар саны: жоқ

Күн тәртібінде қаралатын мәселелер:

1. Өткен педагогикалық кеңестің шешіміне есеп
2. 2023- 2024 оқу жылының қорытындысы
3. Балалардың - Физикалық қасиеттерді дамыту;
 - коммуникативтік дағдыларды дамыту;
 - танымдық және зияткерлік дағдыларды дамыту;
 - шығармашылық дағдыларын, зерттеу іс-әрекетін дамыту;
 - әлеуметтік-эмоционалды дағдыларды қалыптастыру бойынша балалардың – мониторинг қорытындысы
4. Педагогтардың біліктілік санатына өтініштерін қабылдау
5. Жазғы сауықтыру іс-шараларының жоспарын талдау, бекіту

Сөйледі: Педагогикалық кеңесті бөбекжай-бақша меңгерушісі Тургунбекова Ақмарал Есиркепқызы ашып, күн тәртібіндегі қаралатын мәселермен таныстырды.
Өткен №4 педагогикалық кеңес шешімінің орындалуы туралы айтып өтті.

Тыңдалды : күн тәртібіндегі екінші мәселе бойынша бөбекжай-бақша әдіскері Куралбаева Дильбара сөйлеп, 2023-2024 оқу жылында жүргізілген оқу тәрбие жұмыстарының қорытындысы туралы айтты.
Оқу жылында педагог кадрлармен, балалармен жүргізілген жұмыстар жылдық жұмыс жоспары бойынша толық өткізілді. Оқу жылына алынған мақсаттар мен міндеттер бойынша педагогтар :баяндамалар, кеңестер оқып, тренингтер жүргізіп, ашық ұйымдастырылған іс-әрекеттер, ертеңгіліктер, спорттық ойын-сауықтар өткізіп жоспарға сай жұмыстар жүргізгенін айтып өтті.

Жарыссөзге шыққандар: бөбекжай-бақша меңгерушісі Тургунбекова Ақмарал Есиркепқызы сөйлеп, биылғы 2023-2024 оқу жылындағы атқарылған жұмыстарға «жақсы» деген баға беріп , педагогтарға шығармашылық ізденіс пен табыс тіледі.

Сөйледі : күн тәртібіндегі үшінші мәселе бойынша бөбекжай-бақша әдіскері Дильбара Усеровна сөйлеп, балалардың

- Физикалық қасиеттерді дамыту;
- коммуникативтік дағдыларды дамыту;
- танымдық және зияткерлік дағдыларды дамыту;
- шығармашылық дағдыларын, зерттеу іс-әрекетін дамыту;
- әлеуметтік-эмоционалды дағдыларды қалыптастыру бойынша қорытынды мониторинг нәтижесі туралы сөйледі.

Балалардың білімі күнделікті ұйымдастырылған іс-әрекеттерінің өткізіліп отыруына және талапқа сай жүргізілуіне байланысты жақсы көрсеткіштер көрсеткенін айта келе қабілеті төмен балалармен жеке жұмыстар жүргізілгенін айтты.

Сөйледі : күн тәртібіндегі төртінші мәселе бойынша бөбекжай-бақша меңгерушісі Тургунбекова Ақмарал Есиркепқызы сөйлеп, тәрбиешілер: Омарова Эльмира және Дехканова Нилуфардың тәрбиеші лауазымы бойынша педагог-модератор санатына аттестаттау үшін Э.Омарова және Н.Дехканованың өтініштерін қабылдаймыз.

Сөйледі : күн тәртібіндегі бесінші мәселе бойынша әдіскер Куралбаева Дильбара сөйлеп, жаз мезгілінің күн тәртібімен және ойын-сауық жоспарымен таныстырды. Педагогтар жаз мезгілінің сауықтыру іс-шараларының жоспарымен танысып, өз ойларымен бөлісті.

Педагогикалық кеңестің шешімі:

1. №4 педагогикалық кеңестің шешімінің орындалуы «жақсы» деп бағалансын.
2. 2023- 2024 оқу жылында жүргізілген жұмыстар «жақсы» деп бағаланып, келесі жаңа оқу жылының міндеттері қорытынды бойынша алынсын.
3. Балалардың -Физикалық қасиеттерді дамыту;
 - коммуникативтік дағдыларды дамыту;
 - танымдық және зияткерлік дағдыларды дамыту;
 - шығармашылық дағдыларын, зерттеу іс-әрекетін дамыту;
 - әлеуметтік-эмоционалды дағдыларды қалыптастыру бойынша қорытынды мониторинг нәтижесіндегі балалардың білімінің қорытындысы «жақсы» деп бағаланып, оқу тәрбие жұмыстары жалғастырылсын.
4. Педагогтардың біліктілік санатына өтініштері қабылдансын.
5. Жазғы мезгілінің күн тәртібі, жазғы ойын-сауықтар жоспарлары бекітілсін.

Педагогикалық кеңес төрайымы:

Хатшы:

А.Е.Тургунбекова

Д.У.Куралбаева

